

帶

經

堂

集

帶經堂集卷五十九

歙門人程哲校編

新城王士禛貽上

蠶尾續詩五 續集上

夢遊三山圖歌爲尤悔菴太史賦

故人昨有夢夢落滄海東海中三神山往來倏忽
隨長風上有金銀宮闕互虧蔽下有雲濤汨沒相
撞舂蕭灑古仙人漆園傲吏逍遙翁 莊 歲星不見

幾千歲劃然一嘯驚鴻蒙

東方 鴻蒙澤見 郭憲東方先生傳

羲皇上人

北牕卧流觀山海須臾中

陶

謫仙騎鯨去采石

李

玉局西返我眉峰

蘇

或被天衣駕煙鴻或乘雲氣

騎飛龍西堂八十方兩瞳生不並世道則同笑指
桑田洗毛髓下視六合塵濛濛兜率海山等遊戲
夢耶覺耶皆虛空三千里外訊占夢漢廷尚有大
王公

觀演瓊花夢傳奇東龍石樓宮允八首

歌舞并州暫許窺心如牆壁阿誰知尊前唱徹銷
魂曲不奈橫陳嚼蠟時

歌似遊絲裊碧空舞如洛浦見驚鴻三鄉陌上聞
風水偷入霓裳曲調中

臨川遺跡草蕭蕭絕調荆溪

謂吳石渠

又寂寥自掐檀痕

親顧曲江東惟有阿龍超

貫酒旗亭風雪顏涼州一曲唱雙鬢舊傳龍袞江

南錄新譜江郎夢筆山

劇譜江
其事

隻手雙提將相權晚昇碧落珥貂蟬真靈位業都
如此那許孤寒到日邊

漏盡何辭倒玉壺清歌十斛走明珠金荃曲妙無
人解合付柔奴與態奴

三年書記揚州夢一夢揚州三十年誰識蕃釐舊

遊侶白頭猶剩杜樊川

子去揚州三
十有一年矣

香山翠色玉泉流小別俄驚二十秋不負殘年好

風景千峰霽雪一登樓

昔與荔裳西樵雪後
遊西山亦二十四年

題張翀花卉二首

乙巳作
追錄

曾過桃葉渡不見春蕪閣何處曼殊花忽從卷中
落

楚客寫芳草汀洲蘭杜春芳香持作佩欲寄湘中
人

爲門人顧俠君

嗣立

題小秀野二首

屋上青山看鄧尉門前流水即滄浪更添五畝閑
花竹何似君家舊辟疆

前身慧業應金粟家世風流是玉山他日凌風一

相訪閑吹鐵笛過雲間

雨後門人鍾聖輿

轅

送芍藥報謝二首

十年不復過豐臺多負花時
澉澹杯愛爾清才如
小謝故吟紅藥遣春來

新綠橫牕穩晝眠一簾微雨似輕煙
晚晴睡起維摩榻花氣撩人又破禪

題門人宋山言

至

學詩圖兼寄牧仲中丞

名家文采更堪論七葉雕龍舊相門
却笑當年韓吏部生兒渾不辨金根

送彭羨門少宰予告歸海鹽三首

三子詩
達人貴止足筮爻得天山挂冠去神武養拙歸丘
樊朝上北闕書夕問東吳船爲別當重陽雲物淒
以繁黃菊照離尊丹楓羅廣川賓鴻正南翔流聲
雜哀絃南鴻歸有時解后知何年

與君初結交乃在弱冠時卓犖皆負俗雲龍歟追

隨九日登蘄丘慷慨賦新詩橫槊當曹公

順治己亥借
曹學士顛篋

登高賦五
七言詩擊筑思漸離直視督亢陂斗酒安足辭俛仰

四十載容鬢各已衰今辰復重九少壯非前期惟
應尺素書慰我長渴饑

夕次直沽津晨發鮑丘水輕帆駕雲濤倏忽即千

里北望懷故人南歸戀粉梓故國與故都暢然皆可喜慨茲搖落辰秋聲感人耳落木紛川塗寒蟬鳴不已零雨與晨風離憂從此始

再送羨門少宰

早年燈火共長安垂老悲歌易水寒故里黃花三徑好重陽白雁九秋殘玉衡去後留民譽金粟歸來穩釣竿十載聞雞同左掖臨岐清淚忽洸瀾

題門人朱子青湘詩卷

吾州之湖號蓮子

明湖一名濯纓湖又名蓮子湖

數峰純浸湖光裏當

年房豹亦佳人解道風淪歷城水橡村居士苦耽

今寄我新詩韶護音髣髴鵲華秋色好扁舟繫著
使君林

題梅桐厓中丞黃山采藥圖二首

三十六竒峰峰峰雲海中誰能賦采藥獨有陸龜

蒙

天隨子有采藥賦

君住謝家山蒼翠落牕几何事訪軒轅迢迢三百
里

為李公凱學士題謝西村雜畫三首

陶峴三舟載賓客鷓夷一舸下姑蘇不如細雨斜
風裏還我煙波舊釣徒

一帶青山罨畫長
半篙春水即滄浪
鳧翁濯濯蒲芽短
黃柳千絲亂夕陽

崦隔雲林石磴危
林端紺宇露參差
分明倚杖開先寺
雙劍峰前看瀑時

題宮中丞登岱海市二圖二首

紫氣來江左
青方首秩宗
金絲聞魯壁
風雨撫秦松
日觀翔孤鶴
天門憶六龍
漢儀推應劭
早晚紀登封

謝公山澤興
放眼到之罘
城郭鄰鮫室
風煙結蜃樓
一泓俯滄海
九點辨齊州
夙昔懷坡老
真追玉

局遊

碩揆禪師住三峰祖庭有十月桃花四月梅
花之異老友錢湘靈孫赤崖皆爲賦詩自
吳中來徵予作爲賦六絕句寄之

桃根桃葉鬪妍姿解道盧家醜面辭爭似祇林不
搖落紅花白雪恰同時

玉笛吹殘楚水涯江城五月落梅花石泉槐火三
峰下真見仙人萼綠華

想像靈雲一見難桃花作飯阿誰餐上春不肩嬌
穠李留伴空生閱歲寒

冰姿一樹壓雕闌，梅子青青已帶酸。誰信暗香疎影裏，綠陰黃鳥殿春殘。

名葩何必競芳春，狡獪從知造化神。依舊汾陽玄要句，重陽九日菊花新。

漢月大師建立臨濟
玄要宗旨師其嫡孫

巖中晏坐幾經年，般若何曾一字傳。任是無聞總歡喜，隨時花雨散諸天。

送馬生歸金陵

隨身鉢袋與軍持，慙負年年白社期。君到巖花巖畔去，爲予一謝嬾融師。

常少司空奉使西域回賦贈

曾騎白馬度安西都護名從絕域題雪嶺天寒人
去少河源日落鳥飛低彈碁握槊分曹出皓齒青
蛾按拍齊東入陽關更回首輪臺春草正萋萋

題張杞園待詔遠遊圖

屈生蕉萃江潭後始載雲旗賦遠遊何如世外張
公子早駕飛鴻徧九州

題門人狄立人億庶常載花圖六首

輕陰細雨養花天淺絳深紅載滿船也似碧雞坊

外路不妨人喚海棠顛

陸放翁詩走馬碧雞坊
外路市人喚作海棠顛

兩度虛從錦里迴燕宮花事剩莓苔風流輸與江

東客不用梁州打始開

嬌紅映肉怯中單
淥水春江正薄寒
誰似玉山風

調美朝朝側卧捲簾看

韓致堯詩海棠花在不側
卧捲簾看韓號玉山樵人

曼殊沙與曼陀羅
香色料量不較多
髣髴散花天

女侍前身應是病維摩

時方屬疾乞歸

紅雲洞裏覺春深
躡蹻何愁風露侵
常笑吟詩張

學士川紅擬似水林檎

宋張旻賦海棠詩云
水林檎發一攢攢

曉妝倭鬢露盈盈
卯酒微酣頰暈生
他日流傳新

樂府祇知名士悅傾城

送陸廣明視學四川二首

當年持使節相見粵王城何意三巴返重逢萬里
行文翁方教授杜撫幾門生再勒宣公碣聞孫繼

令名

子甲子使粵陸方令
英德令又使蜀初歸

江左傳文賦才名大陸知王程犀浦道弟子鹿鳴
詩滴博千秋雪摩訶六代池公餘倘懷古吟卷寄
相思

孫赤崖孝廉七十奉寄

卓帽歸來兩鬢絲依然海鶴舊風姿清規誰似邴
根矩真樂無如榮啟期洛下近添耆老會鄴中都
誦建安詩尚湖春水濃如酒誰共扁舟倒接羅

題王石谷騎牛圖

送君歸去鳥目山想見昔人清淨退來往騎牛澗
谷中往往神光射牛背

再送石谷歸常熟

君訪慧車子言歸鳥目山帆隨五湖闊心與孤雲
閑潑墨營丹嶂開籠放白鷗遙知破山寺高卧掩

松關

破山寺唐人
常建題詩處

送王令詒原之官銅仁

以茂名
令改任

乍返扶胥櫂還乘楚水槎人如訪勾漏地自足丹
砂蠻俗猶輸布徵書定及瓜一歌沅有芷離思滿

天涯

題鍾文子師桷園漑竹圖

園有金線泉七十二泉之一

梁園修竹久凋零金粉蕭條草自青惟有白頭丁
孝逸昔遊如夢記汾亭

為張敦復宗伯題王石谷畫

眼明忽見楚江船烏柏丹楓歲莫天憶在滌岑修

竹裏滿天風雪指龍眠

滌岑陳默公兵部別墅

送門人蔣靜山錫仁之大同

結束曉蒙茸貂裘犯朔風亂山橫代北匹馬入雲
中冒頓曾鳴鏑祁連昨挂弓清時思魏尚懷古意

無窮

夏日有事吏部坐藤花下呈玉峰吳盧二少

宰

日斜人吏散雜坐古藤陰時有涼風至冷然開我襟周行聊寄跡丘壑共論心尚憶延陵叟清微感

至今

藤相傳吳文定貌
恭官少宰時手植

題門人許不棄

遇

石林山居圖

友人有
介子

石林卜築此幽栖浩劫重來路不迷彷彿憑闌吟

七字野航人遠鴈聲低

周標園侍郎昔示予名人畫冊
有有介題句云云予深愛之

甘泉宮長生瓦歌爲門人林吉人

信賦

漢宮一百四十五

三輔黃圖漢畿千里內外宮館一百四十五所

橫絕南山包九峻

未央建章最廣麗渭北更起甘泉宮甘泉之山化

金碧千門萬戶交玲瓏通天臺高屹宮表下瞰雲

雨青濛濛武皇求仙跨滄海射魚牽犬東門東

恭始

皇紀立石東海上以爲秦東門

孫卿已誅五利死飛廉桂館猶龍從上

陵磨劍勢一變雲陽煙草悲秋風甲帳珠簾盡黃

土何況片瓦埋荒叢林生

侗

好古極幽蹟短衣匹

馬空山中太乙壇邊弔鈎弋悲歌躑躅斜陽紅此

瓦出土事非偶長生古篆疑神工濯以清泉襲綈

錦攜歸嶺海光熊熊令弟繪圖亟示我使我懷古

心忡忡終南渭水舊遊歷漢家陵闕隨飛蓬豈知
一瓦供賞識遠與石鼓岐陽同兄視羽陽羽亦作械弟銅
雀織兒慎勿加磨礮

題公凱學士寫真

翛然海鶴擬風姿千尺寒松晏坐時常憶摩訶池

上月清光相對細論詩

故蜀宮即王衍摩訶池壬子秋與學士同校士于此

新安畢嶠谷

熙陽

以畫梅十幅題詩遠寄京師

感其意賦答

前戶部侍郎東郊先生子

昔我登蟠螭維舟虎山橋仙人萼綠華一笑相招
要十里梅花林玉雪寒蕭蕭身入衆香國天花競

飄搖回首四十載日夢漁洋椒何意黃山人新詩
慰無憀一幅花光梅疎影羅生綃寒花間的礫翠
羽聞啁嘲自言白沙嶺手種青山坳戴笠風雪裏
滿目英瓊瑤感此懷舊遊銅坑路迢迢寄語漸谿
隱他年希見招

題高江村詹事梓花圖二首

文梓青牛事已遐瀛山重見滿林花九成絳雪人
間少須問仙人蔡少霞

天半朱霞照赤城輕綃貌出可憐生一從寫入吳
都賦平仲君遷枉擅名

題冒君愛馬圖二首

辟疆之孫

懸雷山前碧水淶羣賢高會似山陰那知三十年
來夢又續幽州馬客吟

鑿蹄驕馬五花文赭汗蘭筋迴不羣金埒勞君勤
拂拭他年一戰立功勲

題門人曹希文

才三

浮家汎宅卷

癸亭煙水望烏亭細雨斜風汎杳冥千古風流兩
漁父蘇蘭新桂有樵青

答耦長惠畫時將歸宣城

流雲閣疎雨閉戶寫屏顏十幅江南意雙羊故國

山深情托毫素老筆失荆關畏說秋風起琴溪一
擢還

題禹鴻臚卜居圖

白沙翠竹淨娟娟屋角板曾屋後船除却圖書雞
犬外更無殘客與周旋

送同年杜肇余大宗伯予告南歸二首

御書
煙霞者

舊賜
以寵行

遺榮一疏謝金貂祖帳東門集百僚北斗星文兼
將相

公先為
大司馬

南宮地望迥雲霄直清譽重推三禮禁

近恩深荷 兩朝最羨鱸鄉亭下泊蓴絲入饌雨

瀟瀟

潞亭雲樹望中迷一片歸帆落日低心戀觚稜別
金馬夢回煙水聽潮雞五湖蝦菜身將隱九列功
名物久齊亦欲投簪東海去便從梅里問幽栖

庚辰七月廿六日雨中東便門外餞杜肇余

大宗伯南歸寄子文

時分司
大迎橋

煙水忽空濛鳧鷖競凌亂雲帆集浦口疑是江南
岸零雨送歸人詎免盈襟歎故人何水曹雅詠富
篇翰高齋臨枉渚蕭晨起清盥琴書雜坐卧文史
互鈎貫安得青翰舟相將泝波瀾

高粱橋即目戲東門人陳子文

奕禧

戶部

清流十餘里時復愛鵝羣借問陳驚坐何如王右軍

題門人查聲山

昇

花谿石漾圖

卜築傍龍山遶舍盡流水山重水掩處一徑桃花裏竹邊麋眼籬松下烏皮几偶爾坐釣魚吾已忘筌矣

為門人宗梅岑

元鼎

題荔支圖

庚戌舊作追錄

妃子宮中病齒時紅塵川使與星馳不堪重問華清事又向丹青見一枝

悼亡詩哭張孺人十二首

落葉哀蟬斷送秋他生未卜此生休
梧桐淚與芭蕉雨并作西牕一夜愁

一夕金風起白蘋幾聲哀鴈助沾巾
紅牕依舊明明月不向羅幃鑒玉人

冰簟銀牀夜色幽涼生風露碧雲秋
最憐目斷黃姑渚無復金鈿乞巧樓

流螢幾點墮輕羅靈鵲傳聞此重過
極望白榆空

歷歷張星依舊隔天河

聞七夕

碧海青天欲見難月中誰伴女乘鸞
可憐三五嬋

三〇八
媚影只映方諸淚不乾

白頭重作蜀川行聽盡千山杜宇聲記得夢回金

雁驛酒醒中夜臉波橫

丙子使蜀雨宿漢州有詩紀夢

曼睩橫波一顧時素妝不屑浣胭脂成都畫手丹

青筆難寫天然却月眉

稱體天衣恰半銖不離丁緩博山鑪祇今拈上衣

猶在縹緲餘香尚有無

廿年往事憶前塵離合神光似洛濱自有宓妃留

不得那能憐取眼前人

飈車幾日返神霄青雀西飛竟寂寥千里鸞岡如

黛色空留甲帳誤文簫

愁聞別鶴與孤鸞拂拭龍脣一再看江上峰青人

不見美彈今日是哀彈

見孟東野詩

暫離永訣怨俱盈嚴樂空教號筆精春水綠波春
草碧從今何處不關情

哭女婉四首

左家織素豈忘情玉女窺牕似隔生
怱悵牕前一堆雪梨花燕子又清明

冰魂玉骨絕纖塵緣盡依然返上真不共麻姑玩
清淺也隨南岳魏夫人

三鄉陌上望仙山有女乘雲去不還何處回車腸
欲斷空留玉几在人間

厭聞四姓說高門牽犬風流素業存捲却南宮舊

圖畫雲山忍見大姚村

米元章居吳嫁女子
大姚村有大姚村圖

題觀海圖二首爲幔亭弟

我聞海上三神山終古虛無縹緲間何人解作鮪
鯨引浩浩天風一霎還

丹崖翠壁高崔嵬下瞰萬里雲濤堆阜鄉玉鳥渺
何所笑把安期歸去來

題陳子文戴笠圖

平生恥作搥壁歎戴笠行吟頗自如眼中不少乘
軒客相揖何勞更下車

題林吉人看雲圖送之歸閩二首

終南雲物入秋竒輞水淪連月上時絕景千秋誰
拾得丹青一幅右丞詩

秋光九曲望紛紛惟有清流和白雲一片征帆留
不得歸心先寄武夷君

送棲霞楚雲禪師歸南岳

孤雲無所住又欲返三湘白氎行秋色朱陵澹夕
陽蒼梧思帝子斑竹淚英皇已是空生者終然戀

故鄉

師湖
南人

題門人朱翠庭

從延

載菊圖

結廬背城市，遶徑幽蘭馥。扁舟練川至，復載東籬菊。月令有特書，騷人蒙齒錄。歲歲雪霜中，爲君媚幽獨。

送徐勝力閣學致政歸禾中

此別屆三秋，清樽當七夕。明河耿遙夜，華燈照離席。學士挂銀魚，去作扁舟客。龜鳧千里青，鷗羣五湖白。君家小長蘆，鱸鄉望咫尺。蓴菜步兵思，杞菊天隨宅。歸謝朱與彭，予懷在三益。

竹垞檢詩
送門少宰

題卞中丞紀年圖十首

綠橘黃橙未受霜，楊梅先熟蔗爲漿。先生也似東

坡老，夢遶吳山却月廊。

坡詩夢遶吳山却月廊，楊梅盛橘覺猶香。

花時河渚鏡中游，茗椀鑪熏列兩頭。知有何人伴

幽獨，四山香雪一孤舟。

桐君山出白雲層，雲外荒臺盡日登。烏柏丹楓秋

色裏，瓣香新酌古嚴陵。

蒼苔林中宴坐溫，木樨香裏對忘言。語言文字銷

除盡，便是文殊不二門。

憑將忠信涉波濤，橫海樓船擁萬艘。手拔鯨牙歸

幕府荔枝香裏解弓刀

翛然琴鶴出甌閩回首風濤百戰身
荔子殷紅榕葉碧江郎山下一歸人

耿耿銀河拂地流霜催黃菊雁橫秋
橋南荀令銷

魂日纔聽言愁我欲愁

子悼亡甫
一載故云

萬峰飛雪暗蠶叢拄杖過眉老衲同禪會
圖中舊相識三生還踏隗囂宮

名士軒頭六月時科頭長日對連漪
行吟淥水紅蓮裏身是風流庾杲之

御蓋遙臨越望前八神警蹕衛山川
畫圖省識辛

壬蹟父老長傳已巳年

門人陸次公

轍

通判撫州半載挂冠重建玉

茗堂于故址落成大宴郡僚出吳兒演牡
丹亭劇二日解纜去自賦四詩紀事和寄
落花如夢草如茵弔古臨川正暮春玉茗又開風
景地丹青長憶綺羅人瞿塘迴棹三生石迦葉聞
箏累劫身酒罷江亭帆已遠歌聲猶遶畫梁塵

題門人朱悔人

載震

匡山三疊泉圖

當年信宿開先寺親見青天下白龍急峽雷霆雙
劍瀑危橋風雨萬株松目窮遠勢含滄海興盡探

三言
奇過別峰輸爾緣攀上三疊雁門僧伴一枝筇

開先瀑布

自雙劍峰飛下寺

門橋畔有佛印松

題門人黃硯芝

夢麟

宮允黃山采芝圖

我愛黃中允蕭然冰雪容
栖遲依館閣懷抱入雲松
豐樂花時雨軒轅雪後峰
肉芝如可拾去去躡仙蹤

再題黃山采芝圖

三十六峰青不齊容成遺竈隔丹梯
迴絃一鼓商山操自抱孤琴去阮溪

送涓來大宗伯致政南歸卜居金陵五首

早抗歸田疏今朝竟賦歸臨池看鳳去遵渚羨鴻
飛白社還初服青山望袞衣自慙留滯久惻惻寸
心違

淡墨題名日紅顏各老蒼浮生空碌碌壯歲去堂
堂世外還丹訣林間選佛場何因攜手去長嘯白
雲鄉

寒山將拾得無著與天親浩劫聊乘願孤峰欲卜
鄰虎溪因不昧蓮社約重新共理無生話誰爲及
第人

笛步初停棹樊川舊卜居誰云建業水不及武昌

魚桑下曾何戀扁舟信所如太平無事日閑煞老

尚書

未用張文
定方平語

家聲元太史

尊公翰
林先生

令子已中丞蓮府推王儉龍門

重李膺歸裝但詩卷長物有行滕清獻高齋裏依

然出定僧

題張小白

皓

舍人涉園圖二首

好事張公子名園顧辟疆竹陰通鶴柴瀑水激魚
梁海近帆檣集雲深洞壑藏何如王給事自繪輞
川莊

檻曲交珠箔廊迴映綺疏小山皆婉孌叢桂亦扶

疎綠樹聞歌鳥紅泉出媵魚黃門休沐暇曾此賦
閑居

題周燕客松風流水圖

周侯有逸尚寄意在焦桐山石何寥寥寂聽惟松
風風水兩相薄激叱傳無窮昭文罷不鼓目送孤
飛鴻至人會天籟不在絃指中如聞水仙操刺船
將往從

題盧溝送別圖送周七燕客之揚州

二月都亭折柳條盧溝風雪正瀟瀟酒醒何處江
樓笛已泊隋家廿四橋

春日懷樊川舊遊

當年曾到杜陵原
石鬻春流遶寺門
直向桃花深處去
午雞聲在夏侯村

花下

兀兀心空似老禪
春陰又及養花天
顛毛白盡風情減
猶泛朱提舊酒船

韓詩我有雙飲
盞其銀得朱提

雪中梅花

南牕明月上光景
紛竒絕移得羅浮花
初逢洛陽雪

二月初七夜即事賦得明月照積雪

積雪滿庭除流光復望舒月華生皎潔雪意上清
虛銀椀盛難見金波映有餘提婆宗會否于此契
真如

題汪玉輪狀元看劍圖

爛如列星下垂芒光如秋水翻濤江赤堇山閉若
耶涸君從何處逢干將一麾三軍盡辟易晉鄭萬
人頭畢白世間兒女競恩讐肯使太阿輕一擲

韓詩
李翱

江
觀濤

紅線

漳水向東流銅臺露未收六城千里道一葉五更

秋金谷銷兵氣紅顏赴國讐
洛妃乘霧去空怨木蘭舟

聶隱娘

太華三峰隼高風九月秋
雙丸輕將相一決判恩讐
身逐猿公去心爲僕射留
棧雲千萬疊何處問刀州

過涿州憶魏闈進香事慨然作

段張朽骨已成塵媚子何心殺
黨人賴是天心延一紀未教失
路小平津

新城南高橋訪崇寧廢寺

皓首重過此芒芒歲月賒荒涼青豆舍寂寞白牛
車梵唄聲皆冷祇林日又斜千年一彈指不必算
河沙

白溝河感宋張公叔夜而作

白溝河上黍離離誰記孤臣絕吭時最是中山高
宴日君王猶賦打球詩

金帥以道君至中山詩賦打球詩云錦
毬駿馬曉朋分一點星馳百騎奔奪得

頭等須正過休令綽撥
入斜門事見北盟會編

雄縣柳

易京樓畔柳婀娜尚餘春秀色分螺黛輕風漾麴
塵垂條綰游騎臨水拂行人若植忘憂館梁園賦

競新

歎老口號寄宋牧仲開府

尚書北闕霜侵鬢開府江南雪滿頭誰識朱顏兩
年少王揚州與宋黃州

過徐五東癡墓

秋晚東溪上裴回欲去遲蕭條白楊路婉晚菊花
時已挂徐君劍子刻先
生遺集曾題有道碑近為先
生題碣未應防腹
痛老淚不禁垂

鏡檻小集

鏡檻臨明鏡迴闌夕共凭人歌秋白苧池薦小青

菱

小荷菱出
中別是一種

翠合千竿竹寒生六月冰好風起蘋末

莫負酒如澗

陵臺冰井有六
月冰見西征記

清遠山居雜詠八首

褐錦穿林生皦皦苞犀玉春雷動地來一夜成新

竹

玉版
書屋

行過曲廊下竹風生午涼胡牀俯流水萬柄白蓮

香

長廊

勞生大火聚有此清淨退心空及第時跣趺入三

昧

清淨
退

愛此黃篋舫置近清瑤流海客忘機久時下芙蓉

鷗鷗
舫

亂石成略約磴道緣虛空下見龜魚樂田田蓮葉

東
懸居

廊盡得層臺雜花香不歇生衣耐風露莫負清秋

月
望舒臺

一勺檐不流亦復名罨畫春雨縠紋生演漾湘簾

下
小卷書谿

池上一拳石稍稍具巖洞茅山歸未歸已作松風

夢
松風巖

題東園承茂堂後三巨石

薜荔爲衣覆綠苔三峰負日各崔嵬何如甲乙竒
章石祇鬪玉杯金椀來

水月寺予少曾讀書其地

明湖
東北

漁舍遠精廬重過四紀餘青蘋紛枉渚白鳥上堦
除南浦豆花水西方蓮葉書半生流浪跡又到化
人居

讀文書天眼二絕句

崙摩彈琴時迦葉敗其道如彼毗藍風崑崙成腐
草

性愛親豪族如簧亦辯才是人經浩劫鸚鵡識中

來

答梅子翔淵公見懷四首

追錄庚申年作

畫遞詩筒未寂寥
相思頻逐晚春潮
應知今夜江南夢
又過新林向板橋

宛上谿山畫不成
諸梅才調擅縱橫
怪來句帶澄江色
家在南朝小謝城

紅白花開山雨時
故人相憶水西湄
半醒半醉遊三日
耐可閑吟杜牧詩

詩翁愚並馬愛尋春
梅子糊清吟日幾巡
那得當

杯慰怱悵瞿
劓東渚兩比鄰

手折貝多樹植廣州使院一夕而生意鬱然

題詩楣間以紀歲月

南海集逸
詩追錄

貝葉無根插短籬一朝春雨發華滋他年誰續羊城志記取洋漁手種時

帶經堂集卷五十九

帶經堂集卷六十

歙門人程哲校經

新城王士禛貽上

玩蠹尾續詩六

續集下

送張敦復相國致政歸桐城四首

八荒同軌日上相袞衣歸督亢冰初泮桐鄉鴈正

飛幾年陪禁闈

予同相國前後
兩直南書房

此別阻音徽海內論者

舊如公出處稀

龍眠山總好況有賜金園竹裏書連屋花時水到

門得歸仍遠志高卧亦君恩貞觀惟丘壑應從

達者論

憶擁珠江節逢君休沐時雪酣中

平聲

酒後梅發近

檐枝良會誰能數歸田我較遲何年尋舊約細和

穎濱詩

子由有題李伯時龍眠山莊詩

見說浮山勝浮山繼大陽異苗曾應識種草至今香已辨遊山屐頻來選佛場他時聞九帶早爲指

迷方

公屜女爲余言浮山之勝又以浮山畫卷屬題浮山遠禪師作九帶

送田綸霞少司徒予告還德州六首

倦游初抗疏未老竟抽簪遺愛留盤瓠新書就竹

林

繁字路
詩名

閉門惟鹿跡對客有鸞音舊德朝端重其如

高尚心

未用明皇
送賀監語

再領中丞節還朝鬢未斑公才推畫省歸夢遶青
山行止水何意卷舒雲共閑杜亭風物好高卧掩

松關

中丞尺兩巡撫江南貴州

十載惜勞薪君恩許乞去身尋源問漁父聽漏
別雞人車馬長楸道鶯花上洛津河梁一揮手悵
悵隔清塵

海鶴誰爲伴冥鴻不可招翛然謝朝市歸去混漁
樵室白惟書卷林香有藥苗良辰臨被袂上巳接
花朝

我來君又去祖帳國西門惆悵衰年別殷勤醉後

言隻雞招近局駟馬謝高軒預擬南村宅新詩約

系詩

牛角斜陽裏逍遙挂漢書鷗邊停畫舫花外命籃
輿古碣尋方朔荒臺弔仲舒故園行樂處消息佇
雙魚

蟹

指海奔爭急紛紛執稻芒橫行聊自快顏甲亦何
妨用躁緣多足披堅恃有匡寒蒲終束縛應是悔
無腸

新作高粱橋

春水來金口迢迢太液通鴨頭三月綠鴈齒一橋
紅翠羽洛川女斑駘明下童冶遊爭日暮照影碧
瀾中

題尋山圖爲霜臯老人作

一從投老射陽湖麥秀歌殘望故都幾見唐陵藏
土匣猶存漢殿執金吾清冷澗水千花路瀟灑巾
箱五岳圖留得謝家晞髮集鹿田風雨不曾孤

題趙齋如畫石

九華縮向一壺中突兀毫端見化工傳語東坡老
居士百金休買碧玲瓏

題茂京侍講山水小幅

宿雨初收雲未還數峰杳靄出雲間一峰蛾綠更

娟好大似吾家魚子山

水經注魚子水經此山下

送朱悔人之任石泉

龍州古陰平直北通仇池巖關比劍門所以限羌
夷絕險叢草吏坐使漢業墮至今蠶陵道嗚咽江
流悲君今叱馭往九折凌險熾懷古過戰場憑軾
賦新詩況復石紐村神禹聞降茲實始肇西音請
歌候人猗郡邑雖荒遐見聞頗經竒賦心擬司馬
淵雲亦吾師三年一彈指趣裝應及時臺閣多故

人待君慰調饑努力酌此觴班馬翹路岐

立秋日雨竟夜晨起竹軒即事

夜雨達晨朝湘簟如潑水蓐收一以至西陸無淹
晷蕭晨坐齋閣日影漾簾几鳥聲乍清圓斷續悅
人耳藥欄數竿竹嬾娟照清泚冉冉紫雲蓋翻翻
紅鵲尾末麗交芳香幽蘭競薜靡時復讀我書宛
在茅簷裏

送門人王赤抒

丹林

舍人謝病歸錢塘

昨日蠶陵尹

梅人

才浮三峽流今朝鳳池客又泛五

湖舟尚有文園病能忘鄴下游護蘇何處寄持以

緩離憂

此詩屬陳子文蔣靜山兩書扇赤
抒屬客畫五湖秋水及芙蓉蘇二圖

初秋三日竹軒即事

下直謝塵鞅居然物外游
紅欄香過雨白鶴唳迎秋
素髮已垂領故山難久留

子客夏休沐歸僅
五月即還京師

何年醴泉

上跂石弄清流

齒落

前日落左車今日落右車
輝然落未已一往將何如
輔車一失勢舌在空躊躇
枕流愛清泠漱石愁齟齬
齒髮關神明斯言聞豈虛
編貝妬曼倩嘯歌希幼輿
勿慨馬齒長後殆無留餘
是身如浮雲變

滅在須臾何妨此贅疣造物爲驅除昔者白太傅
頗耽釋氏書旣知順化理胡爲重欵歎悔不早致
柔或以永居諸

白樂天齒落辭老
與蓋別齒隨涕零

寄徐方虎侍讀兼示子貞學士

掉頭昔厭承明廬送老吳興水竹居餘不溪光何
澱澁吳羌山色正蕭疎織簾舊識先生里載筆新
成太史書南路風流人共羨趨庭學士紫金魚

古語
北路

魚南
路徐

題滄浪高話卷示拙菴禪師兼寄牧仲中丞
一勺滄浪水清如阿耨池高僧偶飛錫刺史復能

詩翡翠簾垂處
鷓鴣香定時
飄然離墨去
還識舊苗茨

竹軒有花數種皆可玩
獨梔子二本不花作

詩示之

新竹香解苞
幽蘭澹盈襟
縵華玉雪姿
巧上搔頭簪
亭亭白練衣
萋萋冒清潯
木樨最後來
粟已綴黃金
蒼荀爾何意
而獨有遐心
妙香聞自昔
掩抑方在今
豈如優鉢曇
聞聲渺難尋
何人毘舍園
晏坐蒼荀林

立秋日作寄拙菴禪師

白髮黃雞且奈何玲瓏休唱百年歌西流弱水匆
匆去南嚮賓鴻故故多悲願終期歸淨域衰顏誰
遣照恒河毘耶居士觀空久古井于今更不波

卧疾門人繆湘芷

沅

見過時繆初病起

桂子紛金粟幽蘭裛露叢微風吹掩冉細雨下簾
櫳過我衆香國憐君七發工文殊且安坐居士欲
談空

答饋棗

棗花類芳蘭棗實勝丹荔昨朝下成蹊今日俄已
賜賜盡也見古樂府及內典何來致傾筐珍重遠相遺朱實紛磊砢

盈盤堆火齊鄉味重安期次乃稱樂氏
吾鄉有樂氏棗
相傳樂毅携種
歸去歌燕風田園及秋事何必羨安邑千樹傳貨殖

偶成

殘山賸水昔年遊葉落鐘鳴好便休鶴脰喻從園吏得驢脣書向化人求挽鬢競喜孫曾長卧甕初逢秫稻秋瀟灑微吟堪送老三間黃篋水邊樓

題門人徐內丘道冲

增

松泉圖

羲皇去人遠何方寄吾傲跛脚萬松間蒼厓落松瀑

橡村圖爲子青賦

橡村身未到聊作畫圖觀
漁具交蠶箔牛宮次鴨
闌豆棚聽雨坐草閣倚晴看
自笑車生耳因君賦
考槃

送門人李曲江

先復

少京兆之奉天

陪京古馮翊驄馬路人知
紫塞三陵道丹楓十月
時貢貂通北部驛騎出東
曉碣石觀滄海蒼茫一
賦詩

寄贈麋田山人

西川郭曩易傳之籬桶叟
古來賢達流混跡無不

有抗懷寄雲壑高歌動林藪聽兩鹿田人千載思
尚友

題門人李蒼存

瑞

秋穫圖

舊家都梁下石田惟負郭吳牛十角強躬耕雜傭
作淮口山氣佳清川帶林薄敢惜胼胝勞素業本
耕鑿高空日明迴農人告秋穫幸免鳧鼠憂蟹亦
無郭索廣場鳴碌碡茅簷歡鳥雀暮望煙火歸田
家足藜藿一飽不願餘終焉此棲託

王子千副使焦麓別銘圖

楚僧元
濟寫

摩圍居士言有徵大字無過瘞鶴銘瘞鶴之銘海

門側風濤萬古長冥冥雷轟浪打日剝蝕魚龍觝
觸莓苔腥逸少貞白辨疑似衆喙紛紜徒聽熒胎
禽化去幾千歲片石呵護勞山靈歐陽及見六百
字逮今存者如晨星淮陰張弢老好事作爲考辯
窮滄溟我昔懷古焦仙嶺醉下水府搜林扃電光
回首四十載歲月幾換堯堦莫東川使君勇過我
雙屐踏破三山青坐卧空山待水落古寺破壁風
泠泠椎拓數字比瓊玖綈錦什襲羅中庭楚僧作
圖向篷底青春白浪浮空舫題詩却憶舊遊歷百
年飄忽風中螢

題門人孫貞伯嗣端松石間圖

偶似襄陽坐磐石還如栗里撫孤松幽居盡日無人迹閑看春山鹿養茸

十月九日再雪竟夜晨起看晚菊適梁谿僧

岳蓮過訪彈琴記事

今年小雪後已見第二雪晨起坐高齋清暉照林樾寒菊抱孤芳幽人矜晚節天宇何寥寥冰壺映俱徹

上人白足侶來自錫山岑衲衣鴈門雪懷抱龍唇琴幽蘭楚人唱大雅漢宮吟請師迴玉軫寫予山

水心

遊五臺歸

輓門人黃仙裳雲兼憶宗定九

東原今宿草又見哭黃公已覺河山異還悲耆舊
空文章曾逐鹿踪跡各冥鴻太息遺書在他時待
所忠

黃年八十有三
東原宗隱居處

送文濤女姪赴蘭谿

遙憶之官處新安水至清芳蘭緣渚發春雪照帆
輕七里通嚴瀨千峰抱縣城謝庭風絮詠道韞舊
知名

送于鏡川之廊州

先任隴
階二州

三度更遊秦三川別路新雕陰臨近郭園水渡征
人蒼鼠隋宮晚黃虵漢時春杜陵草堂月鄉思幾
逡巡

前門道院鶴

憐爾沖霄翮胡爲近市喧依然能警露寧復慕乘
軒月出孤松頂泉流白石根故山如在眼早晚謝
籠樊

臘月廿七日大雪

寒風浙瀝鳴牕紙曉雪霏微壓竹叢玉滿天山渾
不辨珮環聲在後堂中

上元後二日大雪

曾聞郢中曲白雪儷幽蘭又向星橋見何如素女
彈梅花正娟好修竹共清寒自爇松明火殘書未
倦看

二月廿五日復大雪

七度長安雪霏霏態轉新輕寒勒花絮妙舞上簾
茵金井調湯餅瓊田糝玉塵江淮初望幸欣睹

翠華春

時南巡視河湯餅
珮環語見姑臧記

寄題圖寧關爲子喜中丞作

黔陽鳥道切雲迴新作雄關亦壯哉紫氣遙從千

嶂合青山不藉五丁開天連銅柱烽煙淨地接盤
江職貢來我欲爲君銘劍閣磨厓萬仞紀崔嵬

題曹希文遠遊圖

鄴中才人五陵客臂挽強弓驕赭白朝來結束爲
急裝仰接飛鳶左右射胡奴擔囊逐馬尾虬鬚甦
甦蝟毛磔囊中磊砢貯何書無乃陰符授黃石丈
夫不得展胸臆俯仰乾坤太偏窄不如放意爲遠
游六合茫茫如咫尺猛士詩人盡託乘酒徒劍客
皆迴席歸來調笑楚三閭憔悴江潭復何益

送朱子青歸濟南二首

京華歲月盡唐捐，何處林塘借坐眠。
十日到家梅兩畝，鵲華秋色落檐前。

名士軒頭碧四圍，藕花香浸釣魚磯。
釣簾一笑水天接，渺渺前汀鷗鷺飛。

題江采伯宗丞江山勝覽圖

大別山前漢江水，樓閣橫空去天咫。
英雄割據幾千年，江山奇麗還如此。
先生少年讀書處，郎官湖上煙波里。
有時懷古更登臨，飛閣峇堯俯南紀。
高檣巨艦下荆門，灑岳廬山連楚尾。
赤烏黃龍不復見，陸弟周郎皆已矣。
搔首青天一長嘯，江介魚龍

倏驚起二十年來客
幽薊夢想江山落
牕几禹生
放筆爲此圖
吳楚風煙收
腕底杖藜瀟灑
彼何人
丘壑終當置
吾子功成他日角巾歸
布襪青鞵從此始

爲門人杜樊川天鑑題雲水圖二首

當年一杖樊川路
下杜城連白鹿原
滴水清流響
環玦終南雲物幻
朝昏

水流雲散意悠然
寄跡何妨尺五天
領取少林賓
主句不須更費草鞋錢

題門人張濂若侍御瑗請毀魏闔墓疏後

北寺窮鈎黨先知國步屯九原人可作萬古史長
存狐鼠穿幽隧風雷洗墓門宮鄰與金虎一疏破
重昏

送梁藥亭庶常歸粵

遲暮強爲歡悲歡雜幾端燕從秋社去梅向嶺頭
看世態矜蟲臂仙人誤馬肝羅浮讀書處四百好
煙巒

題汪東山修撰秋帆圖三首

一片雲帆曉入吳過江三日是姑蘇橙黃橘綠西
風裏目送歸鴻下太湖

綠蓑黃帽雨瀟瀟，便趁吳淞江上潮。歸去行吟何處好，維摩僧寺破山橋。

弱齡薄技悔雕蟲，拂拭當年荷鉅公。紅豆莊中人去久，花開花落幾春風。

此首專憶錢牧齋先生

題張仲子詩後

光啟字元明，濟南章丘人。隱白雲湖上，一名郎中泊。

君家郎中泊，何似郎官湖。雲氣流銀浦，人家在玉壺。林園交水石，煙火出菰蘆。他日遺民錄，千秋道不孤。

舍北林塘爲門人狄立人庶常作八首

陶令歸去來，門前五株柳。婀娜春風時，爲君小垂

手柳柴

危石鳴漱湍清流帶茅屋日落風氣寒題詩滿青

竹欵竹步

林亭何寂寞苔徑遠橫斜山鳥啼春雨滿堦紅杏

花杏花春雨林亭

我愛文泉子長吟古漁父桃花白鷺飛復愛元真

句漁唱亭

涉江采芙蓉朝陽復相惜幽人誰往來獨應招謝

客初日芙蓉亭

水木湛清華流暉漾高閣支枕聽禽鳴俯檻知魚

樂

水木清
華閣

后皇有嘉樹獨立自成陰
最喜秋光裏家人掃橘

林

橘鄉

寒梅仍作花滿庭皆積素
髣髴雪堂人載酒臨臯

路

雪堂

滄浪亭詩二首寄牧仲中丞

我昔萬里赴秦蜀書來邀賦滄浪亭
喉間有語不敢吐六一妙句通仙靈
曲江樊川飽遊歷石鼈谷

水何清冷百花潭上花照眼東湖

鳳翔坡公喜
雨亭在其上

菡萏干

娉婷東溪西溪夾明鏡中有萬竹森煙汀

華州即鄭
縣亭子

滄浪南望渺天末，恨無大翮排青冥。歸來八載一
彈指，卧遊往往尋圖經。高林翠阜尚窈窕，紅蕖綠
浪鋪丹青。盤山僧來見畫本，使我遠望空吟騷。子
美有語，即吾語擬來。隨汝腰笻筇。

蘇子美詩擬來
隨爾帶笻筇

夙愛子美犢頭詩，滿川風雨潮生時。風格正與梅
老敵，火攻欲並才翁馳。況復生逢天聖日，廟堂左
右皆臯夔。奈何一眚輒棄置，古來謠詠生蛾眉。蒼
放江湖禦魑魅，遣來吳會觀漣漪。南園舊跡久蕪
沒，古水曾識王元之。一朝勝地落渠手，天意亦似
哀湘蠹。竹外有水，水外竹石，石上衰徑窮灣，碕坐俯。

紅蕖壓奩鑑行看白鷺吹參差終老于斯亦不惡
鴝鵒將奚爲梁苑先生秉旌節愛此十頃青
玻璃臨流慷慨一懷古倏還舊觀憑指麾移來妙
喜但頃刻華林魚鳥生妍姿古人今人兩不朽何
須漢水沈豐碑

樵谷山圖爲門人林公

韞

賦

莆田之游洋有麥斜
元世祖命名樵谷山

御書三字以賜妙應真人林鐘卿者林

子一璘其裔孫也嘗繪爲圖請子賦詩

寶墨題樵谷名山記麥斜金庭仙吏宅紫帽隱人
家龍護前朝碣泉流異代花何年降綸綍茲地足
煙霞奔峭停雲族陰厓駐日車靈溪采芝朮密樾

宿麈麈招隱詩空在尋真事已遐
輞川餘粉本吟望一興嗟

題梁藥亭維摩詰圖

淨名方丈室微妙難思議
雖具大辨才而不涉文字
天花與香飯神通暫遊戲
南海毘耶離空空亦非二

送狄立人庶常南歸

送君江左去南望閱江樓
後夜相思夢遙應過石頭
商飈正搖落桂樹且淹留
浩蕩煙波外難馴不下鷗

送曾留耕司業假歸建昌

秋風一櫂歸簫曲徑入麻源第三谷
逶迤碧澗瀉紅泉宛轉喬林帶修竹
幾看東海變桑田仙人依舊顏如玉
麻姑遺跡剩丹丘况復曾經謝客遊
遙憶題詩繼康樂芙蓉初日照芳洲
登山臨水重陽近目斷滄江鴻鴈秋

懷立人南歸時與藥亭同舟

霜信黃花節離心白板船
鷓鴣爭得路蝦菜許歸
田林葉三秋晚江程五兩偏
差強臯廡客瀧裏過
殘年

賦得洞庭霜落夜送門人張弘遠

尚

太史之

贛

秋晚洞庭霜干林橘柚黃扁舟從此去嶺表路何
長蕉鹿醒殘夢蓴鱸戀故鄉離心章貢水朝暮下
潯陽

再送弘遠

薄宦三千里驚濤十八灘萍蓬岐路遠松桂玉堂
寒木客吟中聽山都樹杪看炎方風土異行矣慎
加餐

為王令詒題畫二絕句

茅屋臨清谿坐聽蕭蕭竹時聞山雨來聲亂西巖

瀑

竹谿
聽雨

香傳千樹梅風迴一天雪此中晏坐人都已離言

說

梅花村
晏坐

為張弘遠題牛車雪行圖

蟄蟲已墜戶行旅方閉關問君將何之轂鯨駕車
冰塞川層冰峨峨鹿鳴澤六出花飛雪盈尺蒼茫
不辨黃金臺突兀遙連太行白車中有客裘蒙茸
高歌抱膝如隆中昨朝秘省吟紅藥今日寒原逐
斷蓬君家清門臨甫里遙指西江隔雲水三高祠

下去松陵五老峰前渡彭蠡丈夫何用別雄雌寒
谷亦有回春時鬱孤臺上獨搔首應續當年玉局
詩

詠晚菊再送弘蘧

張翰黃花句風流五百年愛君吟五字
搖筆繼前賢甘與雪霜潔羞爭桃李妍
相期堅晚節重醉落英邊

宣沙視牧圖爲徐虞門給事賦

唐家金城國西門四十八監如雲屯
當時七十萬疋馬倣儻權竒難具論
肇始貞觀及開元天駟下

蒙

聖恩賜西域葡萄二株恭紀二絕句

銜恩特賜草龍珠手向東園斲綠蕪未擬芳六月
輸橘柚即看甘液勝醍醐

天馬蒲桃隔月氏貢來新自玉關陞蓬萊殿上初
宣賜何用崎嶇遣貳師

永嘉縣知縣贈浙江布政使司叅政諡忠勤

馬公挽詩

諱界武功人祖弘勳叛與
道臣陳公丹亦同時殉節

武功天一握家世右扶風豈意逢天醉翻令作鬼
雄太常新議諡御墨昔褒忠萬古金鰲背雲旗

下海東

上西巡過洪洞辛丑進士臣范鄔鼎恭獻所著理
學備考一書 御書山林雲鶴四大字

賜之賦詩紀事

師曠當時里今爲通德門書成伊維後道感 帝
王尊矯矣雲中鶴離哉天外翻河汾留一老長戴
聖明恩

題秋史孝廉二十四泉草堂

在鈞突泉西股
文莊公園舊址

草堂負西郭聞是舊平泉將相邯鄲枕紛紜慶曆
年

謂文莊同時新
鄭江陵之事

清溪帶茅屋古木剩寒煙惟有金輿

色朝朝落檻前

華不注一名金輿園有金輿山房

早日

早日松蘿少宦情
中年槐棘誤浮名
久貪殷浩周旋我
不屑桓温駕馭卿
千樹秋風黃橘社
五湖春水白鷗盟
萼羹至竟須歸沈
一笑滄浪自濯纓

題陳丙齋少司寇閑園圖

羣腰草綠水平池
園柳鳴禽又一時
西射堂前春事好
五言傳得謝公詩

陳秋溟孝廉秋泛圖

將游
西

及山列仙居數峰
青未了下有桐溪流
水色湛清

醜幽人喜泝沿一帆凌浩淼緒風起蘋末暝色帶
歸鳥活火辨槍旗茶煙出林杪卧聽銅斗歌此樂
堪終老忽復泛瀟湘楚山閱清曉

硯溪

濟南郡城西北五里有洗硯泉流為大澗曰硯溪孫氏別墅在焉嘗于土中掘得一石有趙松雪篆書二詩甚工

古人洗硯處今日尚名溪十里稻畦合孤村蓮葉
齊水鄉蝦菜足秋色鵲華低玉筍何人志莓苔拂

舊題

趙有鵲華秋色圖舒元興有五筍篆志

寄題鮑氏竹圃

城南鮑氏竹何似古梁園筍迸春泥出煙和曉露
翻雞啼初過雨竹鶻長共開樽竹不厭清狂客頓

來卧竹根

許不棄畫竹歌并送之陳留

許侯筆力何雄剛五指作竹如劍鋌坡陀逶迤石
犖确勢干白日凌風霜三株桀立儼將相高冠大
珮森開張兩株意態稍奔逸煙枝雨葉相低昂乍
疑員丘中梁棟似聞嶰谷含宮商湖州一派久絕
跡世人惟寶夏太常許侯磊砢負竒氣平生節目
堅簷篔石林手種竹萬个興來自寫千筴管珍重
相貽比金錯寒颼五月生高堂老夫愛竹兼愛畫
忽如一葉浮清湘侯今擁傳之大梁梁園修竹煙

蒼茫七賢飲處近咫尺莫圖嵇阮遺山王

西堤

堤外春流界稻田堤邊鷗鷺淨娟娟風煙里畔千
條柳十里清陰到玉泉

海澱一名
風煙里

題許有介雜畫冊五首

金陵山繞郭春望一空濛多少南朝寺迷離煙雨
中

彭蠡蝨春茫茫艤舟落星石滿眼是廬山一笑非生
客

翠藤紅樹裏依約見柴門三十年前夢青衣江上

村

客從熊耳歸三日行解谷滿山紅杜鵑掩映丹青竹

栢葉養麝香麝過香滿谷機忘不畏人時來眠石竹

為門人黃交三

秦來題紅蘭畫梅

清夜梁園授簡回瓊瑤初見幾枝開朱門雪後無人跡寫得花光一樹梅

送陳子文出知石阡六首

銅柱南頭道路長江流猶接楚人鄉祇如太史浮

湘去一路看山到夜郎

曾見揮毫侍玉除
柏梁章句右軍書
如今卻逐征蠻府
誰復論詩更起予

當年彩筆賦臯蘭
又遣題詩到錦官
今日牂牁江上路
相如書檄不曾難

鷓鴣聲裏路迢迢
兵氣初從瘴氣消
要使夜郎知漢大
紅苗近帶紫姜苗

又見文翁遠剖符
蠻荒何必減通都
牂牁名士西京後
猶有當時盛覽無

自憐白首未歸田
爾復南征望跼心
折潞亭帆

隱處兩行衰柳數聲蟬

秋日思歸作

丘壑經心苦未還殘書聊用慰衰顏
半生歸夢尊鱸裏晚歲藏名木
鴈間黃鳥春啼開藥圃烏捷曉
駕出柴關漁樵比舍頻來往
忘却蛾眉舊綴班

題說巖相國午亭圖兼留別三首

大行西來龍蜿蜒析城王屋相鈞連
中有岐公好泉石風流千古兩樊川

紫府仙山望不遙何妨丘壑映蟬貂
午亭粉本分明在留與他年伴午橋

魯連陂水白鷗風柳港荷塘似鏡中容我披蓑釣
春雨果然五相一漁翁

題門人史蕉飲編修

申義

春泉洗藥圖

姑射仙人冰雪膚新詩傳唱滿通都極知遲暮難
爲別更展春泉洗藥圖

將歸別西軒竹

主人當去汝叢竹故依然況是將離日初逢小雪
天

帶經堂集卷六十